


A Historia da  
Literatura Galega 02

# As cantigas de amigo



La Voz de Galicia

## **A HISTORIA DA LITERATURA GALEGA**

• **UN PROXECTO EDITORIAL DE ERA PUBLICACIONES, S.L.**

• **COORDINADOR XERAL: JOSÉ ANTONIO PONTE FAR**

**Textos:** M<sup>a</sup> Luz Ínsua Ramil, M<sup>a</sup> Eva Ocampo Vigo,  
Esperanza Piñeiro de Sanmiguel, José A. Ponte Far  
e Áurea Ramil Díaz

### **Corrección lingüística:**

M<sup>a</sup> Luz Ínsua Ramil e Áurea Ramil Díaz

**Deseño:** M. Malvido

### **Maquetación e montaxe:**

M<sup>a</sup> Teresa Puga, María G. Grandal

**Produción:** Irene Montero, Raquel G. Amarelle, Lucía  
Taboada, Pilar Freire, Silvia Valdés, Ana E. Martínez

**Fotografía:** Octo Gráfica

**Colaboración gráfica especial:** M. Moleiro Editor

**Agradecementos:** Real Academia Galega

**Edita:** © Era Publicaciones, S.L.

© **desta edición:** La Voz de Galicia, S.A.

**Imprime:** Imprenta Mundo

**Depósito Legal:** C 1244-2010

**ISBN:** 978-84-96561-25-0

## AS CANTIGAS DE AMIGO





## ÍNDICE

7	INTRODUCCIÓN
9	1. AS CANTIGAS DE AMIGO
15	2. ORIXE DAS CANTIGAS DE AMIGO
25	3. OS RECURSOS FORMAIS NA CANTIGA DE AMIGO
25	3.1 O paralelismo
27	3.2 O leixaprén
27	3.3 O refrán
31	4. CLASIFICACIÓN DAS CANTIGAS DE AMIGO
31	4.1 Pola súa estrutura e contido
34	4.2 Polo marco ambiental
41	5. AUTORES DE CANTIGAS DE AMIGO



## INTRODUCCIÓN

Unha parte da poesía conservada nos cancioneiros fixo supoñer aos críticos que previamente tivo lugar unha tradición oral, o que nos remonta a épocas pretéritas, anteriores aos primeiros poemas coñecidos do século XII.

Durante aproximadamente douscentos anos –séculos XIII e XIV– desenvolveuse unha intensa actividade literaria.

Os autores –trobadores, xograres ou segreis– son continuadores da tradición lírica occitana e empregaban o galego, que naqueles anos era unha lingua moi prestixiosa, como o demostra o feito de que algúns poetas occitanos compuxeran nesta lingua as súas cantigas, ademais do uso que dela se facía en toda a Península, como vemos pola obra lírica do rei Afonso X o Sabio.

Os tres xéneros líricos máis importantes que se cultivan na lírica galego-portuguesa durante a Idade Media son as cantigas de amigo, ás que dedicaremos este volume, as cantigas de amor e as cantigas de escarnio e maldicer.



## AS CANTIGAS DE AMIGO 1

Son composicións breves que os trovadores poñen en boca dunha moza namorada. Constitúen poemas nos que unha muller expresa os sentimentos amorosos que sente polo seu amado, ao que denomina sempre como o seu amigo.

*Como vivo coitada nai, por meu amigo,  
ca méntiou mandado que se vai non ferido:  
je polo vivo coitada!*

Nalgúns poemas a moza dialoga co seu amigo, coa súa nai ou con algunha amiga.

*-Par Deus, amiga, provad'un día  
a voss'amigode vo'll'assañar  
e veredes omo coitad'andar.*

*-Ai, amiga, que mal consell'ess'é,  
ca sei eu aqesto, per boa fe,  
mui ben, que logu'ó morto sería.*

VASCO PERES PARDAL

**I** Nalgúns poemas, os distintos  
elementos da natureza aparecen  
actuando como receptor que oe as  
queixas da muller.

Os temas que máis se repiten son os rela-  
cionados coa separación física dos amantes; a  
actitude conselleira da nai ante o namoramento  
da súa filla e o amor non correspondido do  
amigo cara á súa moza amante.

*¡Non chegou, madr'e, ou meu amigo,  
e oj'est'ou prazo saído!*

*Ai, nai, moiro d'amor!*

*Non chegou, madr', ou meu amado  
e oj' est' ou prazo pasado,*

*Ai nai, moiro d'amor!*





## AS CANTIGAS DE AMIGO

Trobadores,  
xogares e  
segreis son  
continuadores  
da tradición  
lírica occitana

*E oj' est' ou prazo saído  
por que mentio ou desmentido,  
Ai nai, moiro d'amor!*

*E oj' est' ou prazo pasado  
por que mentio ou perjurado,  
Ai nai, moiro d'amor!*

*Por que mentio ou desmentido,  
pesa-o meu pois se per se é falido,  
Ai nai, moiro d'amor!*

*Por que mentio ou perjurado,  
pesa-o meu pois mentio a seu grao,  
Ai nai, moiro d'amor!*

DON DINIS

Con todo, tamén existen algunhas cantigas  
nas que o amor da moza é correspondido.

*Eu velida nom dormia  
lelia doura,  
e meu amigo venia,  
edoi lelia doura.*

*Nom dormia e cuidava  
lelia doura,  
e meu amigo chegava,  
edoi lelia doura.*

*E meu amigo venia,  
lelia doura,  
e d'amor tam bem dizia  
edoi lelia doura.*



*E meu amigo chegava,  
    lelia doura,  
e d'amor tam bem cantava  
    edoi lelia doura.  
Muito desejei amigo,  
    lelia doura,  
que vos tevesse comigo,  
    edoi lelia doura.  
Muito desejei amado,*



Músicos no  
pórtico do  
mosteiro de San  
Lourenzo de  
Carboeiro  
(Silleda)

lelia doura,  
que vos tevesse a meu lado,  
edoi lelia doura.

Leli, leli, par Deus, leli  
lelia doura,  
bem sei eu que nom diz leli,  
edoi lelia doura.

Bem sei eu quem nom diz leli,  
lelia doura,  
demo x'é quem nom diz lelia,  
edoi lelia doura.

PEDRO EANES SOLA



## ORIXE DAS CANTIGAS DE AMIGO<sup>2</sup>

As cantigas de amigo son un xénero lírico propiamente galego.

Tanto José Joaquim Nunes como A. Jeanroy coinciden na opinión sobre a orixe destas cantigas, que pensan que pode estar nas cancións populares que cantaban as mulleres, nas festas, traballos, etc.






## A CHANSON DE FEMME EN FRANCIA

Vidreira da  
catedral  
francesa de  
Chartres

→ As *chansons de femme*, propias do Medievo francés, teñen características similares ás cantigas de amigo que se enmarcan na lírica galego-portuguesa. Deste xeito, tamén se trata de coplas postas nos beizos dunha muller, xeralmente dunha moza que relata as súas inquiredanzas de amor. Poden estruturarse ben en monólogos ou ben en diálogos e a súa temática abrangue desde infidelidades a amores furtivos, pasando por obstáculos para lograr ao ser amado, traxedias, etc.

Dentro das *chansons* atópanse varios xéneros, como son a *chanson d'ami*, onde unha moza expresa alegría por ter un amigo que a ama e conta os problemas que lle





xorden para obter a aprobación dos pais. Nestas cantigas de amigo, tamén hai variantes que falan da ausencia do ser amado ou de infidelidades. Outro xénero é *L'aube*, cuxo canto ten lugar despois dun encontro furtivo entre dous amantes que deben separarse coa chegada do amencer.

Por outra banda, está a *Chanson de Malmariée*, na que unha muller conta alegremente a súa propia infidelidade. E por último, nas *chansons de femme*, destaca a *Chanson de Toile*, xa que son pezas particulares, tanto pola métrica como pola temática. Xeralmente son estrofas cortas e sinxelas con rima asonante. Ademais, teñen a peculiaridade de que eran cantadas polas mulleres mentres realizaban traballos, fundamentalmente, segundo se cre, cando estaban fiando. No que se refire ao contido das *Chansons de Toile*, seguen unha historia narrativa máis ben trágica, pero que nunca perde de vista o amor.\*



A poesía  
trobadoresca  
xermana é  
coñecida como  
*Minnesang*.  
Castelo de  
Heidelberg  
(Alemaña)

As cantigas de amigo dos nosos cancioneros serían a forma culta destas cancións populares. As cantigas teñen relación directa coas cancións femininas existentes noutras partes de Europa: a *chanson de femme* en Francia e a *frauenlied*, en Alemaña.




## A FRAUENLIED, EN ALEMAÑA

Aínda que a Alemania chega máis tarde que a Francia, onde na Provenza xa existe este xénero medio século antes, o amor tamén é o tema central da poesía trobadoresca xermana desde principios do século XII ata ben entrado o XIII. Esta lírica, coñecida como *Minnesang*, é un canto de amor dirixido a unha dama da nobreza que normalmente é inalcanzable.

Dentro desta tipoloxía, atópanse as *frauenlied* ou cancións de muller, que son de similares características ás cantigas de amigo galego-portuguesas; o *Minnelied*, que trata sobre a expresión de amor dun home; o *Wechsel*, un diálogo entre amantes; o *Tagenlied*, que coincide co xénero provenzal da despedida da parella á chegada do alba; o *Tanzlied* ou canción bailada, e o *Kreuzlied*, dedicada ás cruzadas.





*Poesía de trovadores, trouvères y minnesinger é unha antoloxía de Carlos Alvar publicada por Alianza Literaria*

A similitude evidénciase tanto na forma (utilización de ritmos paralelísticos) como no contido (o amor posto en boca dunha muller).

Pero as semellanzas son maiores se comparamos as cantigas coas *jarchas* mozárabes, composicións líricas que foron escritas entre mediados do século XI e finais do XII. As *jarchas* son pequenos poemas árabes ou hebreos que se atopan ao final doutros máis extensos chamados *moaxajas*. Tanto nas cantigas como nas *jarchas* o tema é o queixume feminino polos temores que unha muller ten con relación ao seu amigo.

## JARCHAS MOZÁRABES

→ En 1948, o hebraísta Samuel Miklos Stern, en colaboración co español Emilio García Gómez, descubriu e traduciu as *jarchas* mozárabes por primeira vez. Trátase de composicións líricas populares, de temática amatoria, integradas noutras máis extensas, as *moaxajas*, que se consideran froito da convivencia das culturas árabe, hebrea e cristiá.

A importancia das *jarchas* radica no feito de que o seu descubrimento mudou a teoría, universalmente aceptada, de que as orixes da literatura española estaban ligadas ás composicións épicas, xa que as *jarchas* son anteriores.

Escritas en versos curtos, e con rima usualmente consonante, a voz do autor adoita ser a dunha muller ou rapaza que fala á súa nai ou ás súas irmás das súas experiencias amorosas, aínda que a



meirande parte destes textos foron escritos por homes. As *jarchas* presentan moitas similitudes coas cantigas de amigo galego-portuguesas, tamén postas en voz dunha muller.

*Jarcha en mozárabe*

*Garīdboš, ay yermanēllaš  
kómkontenēr-hémewmāēlē,  
sīnal-habībnon bibrēēyo:  
¿ad obl' iréydemandāēre?*

*bay-šemioqorasonde mib  
Yārabbīšišetornarad  
tanmal miodoler al-habīb  
Enfermo Yedquanšanarad*

*¿Qué farémamma?  
Mioal-habibeštad yana.*




Tradución ao galego

*Decídeme, ai irmanciñas,  
¿como conter o meu mal?  
Sen o amado non vivirei:  
¿onde irei buscalo?*

*O meu corazón vaise de min,  
Oh Deus, ¿acaso se me tornará?  
¡É tan forte a miña dor polo amado!  
Enfermo está, ¿cando sandará?*

*¿Que farei, nai?  
O meu amado está á porta \**



Detalle na  
Alhambra de  
Granada



Resumindo, a cantiga de amigo, xénero propiamente galego, é unha síntese dun lirismo popular mesturado coas modas poéticas trobadorescas que chegaban do sur de Francia e actualizada con novos ritmos.

A cantiga de amigo mestura o lirismo popular e as novas modas trobadorescas que chegaban de Francia



## OS RECURSOS FORMAIS NA CANTIGA DE AMIGO<sup>3</sup>

Entre os recursos estilísticos que aparecen neste tipo de composicións, os máis característicos son:

### 3.1. O PARALELISMO

A técnica poética máis utilizada nas cantigas, en canto á forma, é o uso do paralelismo. Consiste na práctica repetición de parellas de versos nos que se alteran as palabras finais por outras sinónimas ou se altera a orde dalgunhas palabras. Este procedemento repetitivo fai que a unidade rítmica da cantiga non se basee na estrofa, senón en cada par de estrofas.

*Mandade'ei comigo  
ca ven meu amigo:  
E irei, madr', a Vigo!*



Comigu'ei mandado  
ca ven meu amado:  
E irei, madr' a Vigo!

Ca ven meu amigo  
e ven san'e vivo:  
E irei, madr' a Vigo!

Ca ven meu amado  
e ven viv'e san:  
E irei, madr', a Vigo!

MARTÍN CODAX

A repetición  
do último  
verso de cada  
estrofa é  
coñecido  
como cobra



### 3.2. O LEIXAPRÉN

Consiste nun paralelismo levado a unha complexidade técnica maior, xa que o segundo verso da primeira estrofa é repetido como primeiro da terceira estrofa; o segundo da segunda estrofa repítese no primeiro da cuarta e así sucesivamente. Todas as estrofas rematan co mesmo refrán, o que contribúe a dar un carácter repetitivo a estes textos que estaban destinados a ser cantados.

O leixaprén é unha técnica que permite transmitir unha tensión dramática e intensificadora moi suxestiva do estado de ánimo melancólico da moza que evoca ao seu amigo. Ademais, as repeticións constituían unha axuda para memorizar as cantigas.

### 3.3. O REFRÁN

Na terminoloxía medieval chamábase cobra. Consiste na repetición do último verso de cada estrofa.

A rima pode ser asonante (repetición das vogais a partir da última acentuada) ou consonante (repetición de vogais e consonantes a partir da última vocal acentuada). Ademais, aparece outro tipo de rima: a masculina (cando



## OS INSTRUMENTOS MUSICAIS NA LITERATURA MEDIEVAL

→ Para a representación de escenas na literatura e a arte medieval utilizábase unha gran cantidade de instrumentos, como se pode apreciar, por exemplo, na obra de Afonso X o Sabio, as *Cantigas de Santa María*. Entre os máis destacados nesta época medieval están a arpa, o órgano portativo ou de man, que foi moi usado desde o século XII; a cítara, de cordas punteadas; o salteiro, de forma triangular ou trapezoidal recta e que está asociado á Biblia; o monocordio, do que existían tres tipos (tonométrico, o de arco e o de teclado ou manicordio); o laúde, que chega a España de man dos árabes; a guitarra mourisca; a cítoa, derivada do laúde e da cítara; a guitarra latina, da que se pode ver un exemplo na portada de San Lourenzo de Carboeiro; a vihuela punteada; a viola de arco; o rabel, mencionado polo Arcipreste de Hita; a zanfona, cordófono actuado a través dun dispositivo de teclas; a corneta; a frauta doce; a frauta traveseira; a gaita; a darbuka; o tamborino ou tamborete; os címbalos e o xogo de campás ou carrilón. \*






Escena do rei David tocando un instrumento medieval de corda

a última palabra do verso é aguda en canto ao acento prosódico) ou feminina (cando é grave). A rima mesturada –masculina e feminina– tamén aparece nas cantigas

As cantigas máis antigas poden presentar irregularidades métricas, polo que se pode pensar que a regularidade na medida dos versos –coñecida tamén como isosilabismo– sexa unha influencia da escola provenzal.



O pelo solto é  
indicativo dunha  
moza solteira,  
mentres que se  
está cuberto  
significa que é  
unha muller  
prometida ou  
casada



## CLASIFICACIÓN DAS CANTIGAS DE AMIGO<sup>4</sup>

Podemos clasificar estas composicións líricas atendendo aos seguintes criterios.

### 4.1. POLA SÚA ESTRUTURA E CONTIDO

- **Cantigas moi enraizadas na tradición popular**

Constitúen unha proba da existencia dunha lírica pretrobadoresca que non foi recollida por escrito ata que chegou a influencia da poesía provenzal. A súa estrutura estrófica é moi sinxela: dous versos, con paralelismo e refrán e ritmos como o da muiñeira, baseados nas posicións regulares dos acentos.

En canto aos temas tratados, o principal é o do amor que se desenvolve no marco dunha romaría a unha ermida, onde aparece a simbo-



Petróglifo que representa a un cervo en Campo Lameiro. Este animal simboliza a masculinidade na lírica medieval

loxía popular: a fonte, o río, o mar (símbolos de fertilidade); o cervo (que simboliza a sexualidade masculina); o pelo feminino (indicativo de muller nova e solteira, se o leva solto, ou prometida ou casada, se o presenta cuberto), etc.

- **As cantigas máis innovadoras**

Presentan estruturas estróficas máis complexas, aínda que sempre mantendo o paralelismo, característica básica deste tipo de composicións.

O tema amoroso desenvólvese en interiores domésticos e máis refinados.

Neste tipo de composicións, máis que o marco que rodea á acción, importa a tensión psicolóxica que se crea mediante o diálogo que establece a nai coa súa filla, á que intenta disuadir dos amores co seu amigo, e ata, ás veces, impóndolle a prohibición de velo.

*-Nai, chegou meu amig'oj'aquí*

*-Novas son, filla, con que me non praz.*

*-Par Deus, miam nai, gran torto face.*

*-Non face, mia filla, ca perdedes i.*

*-Mais perderei, nai, llo perder.*

*-¡Ben lle sabedes, mia filla, querer!*

ESTEVAN FERNÁNDEZ D'ELVAS

- **As cantigas con influencia do amor cortés**

Son as máis escasas, polo que podemos pensar que a lírica trobadoresca francesa influíu nas nosas cantigas galego-portuguesas pero que tamén se intentou, por parte dos compositores do noroeste peninsular, conservar as características propias da poesía pretrobadoresca.

Nestas composicións obsérvase a influencia da cultura trobadoresca francesa no amor cortés que



converte ao amigo nun vasalo do seu señor, é dicir, da súa amiga-amada.

Neste tipo de cantigas aparecen variacións en canto á forma, xa que non sempre presentan estruturas paralelísticas e, ás veces, non levan refrán.

#### 4.2. POLO MARCO AMBIENTAL

Tendo en conta os escenarios que aparecen nas cantigas dividiremos estas segundo os lugares nos que se desenvolve a acción do poema en:

O mar é un dos elementos que máis aparecen na literatura medieval. Escena da *Biblia de San Luis*, vol II, f 216 r.  
© M. Moleiro  
Editor



- **Mariñas ou barcarolas**

Son as máis singulares de todas as cantigas e constitúen un caso único na lírica medieval europea. Nelas o mar convértese no confidente das preocupacións amorosas da amiga.

*¡As frores do meu amigo  
briosas van non navío!  
¡E vanse as frores  
d'aquí ben cos seus amores!  
¡Idas son as frores  
d'aquí ben cos seus amores!*

PAIO GÓMEZ CHARIÑO

- **Albas e alboradas**

Este tipo de cantigas é provenzal e a súa temática consiste en cantar a separación dos amantes ao amencer, alertados pola garda do castelo. Con todo, na lírica galego-portuguesa existen cantigas que presentan o motivo da alborada onde a moza se queixa do longas e amargas que se lle fan as noites nas que o seu amigo está ausente ou en que espera a alba para reunirse con el.


Aquestas noites tan longas  
que Deus fez en grave día  
polo meu, porque as non dormio,  
e por que as non facía  
non tempo que meu amigo  
soía falar comigo?

Porque as Deus fez tan grandes  
non posso eu durmir, coitada!  
E, de como son sobejas,  
quiseram´outra vegada  
non tempo que meu amigo  
soía falar comigo.

Porque as Deus fez tan grandes  
sen mesura desiguaaes  
e as eu durmir non posso,  
porque as non fer ataaes,  
non tempo que meu amigo  
soía falar comigo.

XULIÁN BOLSEIRO






As alboradas cantan á  
separación dos  
amantes ao amencer

### • Cantigas de romaría

Tamén son propias da lírica galego-portuguesa, xa que non aparecen similitudes noutras literaturas.

O escenario que serve de encontro aos amantes é o da peregrinación a un santuario ou capela ao que se vai de romaría. A moza lamenta a demora do seu amigo que tarda en chegar á romaría ou que baila coas súas compañeiras.

*Para fazer romaría, pug'eu meu coração,  
a Santiag', um día, por fazer oração  
e por veer meu amigo loguí.  
E se fazer tempo, e mia nai non for,*



*Cantigas d'amigo dos trovadores galego-portugueses é un amplo estudo autoría de José Joaquim Nunes. Lisboa: Centro do Livro Brasileiro (1973)*





As cantigas de  
amigo  
constitúen  
poemas nos  
que unha  
muller expresa  
os sentimentos  
que ten polo  
seu amado

querrei andar mui leda, e parecer mellor,  
e por veer meu amigo logu'í.  
Quer'eu ora mui cedo provar se poderei  
ir queimar mias candeas, con gran coita que ei,  
e por veer meu amigo logu'í.

AIRAS CARPANTO



- **Bailadas**

En todas as culturas existen cancións femininas onde se fala do amor e das ansias de vivir.

Nas cantigas denominadas bailadas adoita aparecer a forma dialogada entre a moza e a súa nai ou entre varias mozas; acompañanse de danza e música.

*Bailemos nós ja todas tres, ai amigas,  
xo aquestas avelaneiras frolicas;  
e quen for velida, como nós, velidas,  
se amigo amar,  
xo aquestas avelaneiras frolicas  
verrá bailar.*

AIRAS NUNES



Danza e música  
adoitan  
acompañar  
estas cantigas

## AUTORES DE CANTIGAS DE AMIGO<sup>5</sup>

De todos os documentos atopados sobre as cantigas de amigo vemos que, xa sexa polo gran número de composicións aparecidas, pola súa calidade poética ou por ambas as cousas á vez, os autores de maior calidade literaria circunscríbense a uns poucos; deles, os que cremos máis importantes son os que seguen, e a composición que mostramos é sempre unha das máis populares de cada compositor.

- **Martín Codax**

Foi un xograr ou un segrel galego que viviu na segunda metade do século XIII. A documentación existente sobre el fai pensar que posiblemente fose oriúndo de Vigo, polas continuas referencias que aparecen a esta zona xeográfica nas súas composicións. Deste autor





Crese que  
Martín Codax  
era orixinario  
da zona de  
Vigo

consérvanse sete cantigas de amigo de tema tradicional; todas elas escritas cun refinamento técnico e retórico que leva a pensar que este poeta fixo estudos en círculos eclesiásticos ou aristocráticos. Das sete cantigas conservadas, seis van acompañadas de anotacións musicais. Aparecen escritas en galego-portugués en tres manuscritos, o primeiro dos cales comeza pola coñecida cantiga *Ondas do mar de Vigo*, que reproducimos a continuación:




Ondas do mar de Vigo,  
vestir meu amigo?  
E ai Deus, se verrá cedo!

Ondas do mar levado,  
vestir meu amado?  
E ai Deus, se verrá cedo!

Vestir meu amigo,  
ou por que eu sospiro?  
E ai Deus, se verrá cedo!

Vestir meu amado,  
por que ey gran coydado?  
E ai Deus, se verrá cedo!



Edición publicada  
pola Fundación  
Pedro Barrié de la  
Maza con motivo  
do día das Letras  
Galegas dedicado  
aos poetas  
medievais da  
ría de Vigo

## O ENIGMÁTICO APELIDO DE MARTÍN CODAX




O Pergameo  
Vindel,  
depositado na  
Pierpont  
Morgan  
Library de  
Nova York,  
recolle  
cantigas de  
Martín Codax

→ Gran parte dos nomes dos autores da lírica galego-portuguesa medieval chegaron aos nosos días sucedidos do lugar de onde procedían (Johan de Cangas, Bernal de Bonaval, Johan Airas de Santiago...); sen embargo, o caso de Martín Codax é diferente. Aínda hoxe o seu apelido resulta un enigma para os expertos.




Nos códices aparece coa forma Codax, pero tamén coa forma Codaz. Segundo explica Celso Ferreira da Cunha, en *O cancionero de Martín Codax*, o bibliógrafo Pedro Vindel sinalou que podería ser un sinónimo de códice, polo que a súa sinatura se traduciría como «O libro de Martín». Outros filólogos consideran que é posible que Codax ou Codaz fixese alusión a que o xograr era amanuense, a unha mera descrición física (que tivera os cóbados prominentes) ou a que formaba parte do séquito dun señor, pero o certo é que polo de agora non hai unha explicación que compraza a todos. \*



*Martín Codax, cantor del mar de Vigo, obra de José M.ª Álvarez Blázquez. Editado por Publicaciones de la Asociación de la prensa (1962)*



As escenas  
de corte  
ilustran os  
manuscritos  
da Idade  
Media



#### • Mendinho

Deste autor posúense moi poucos datos; deles dedúcese que foi un xograr galego, posiblemente de Vigo –polas referencias á illa de San Simón que aparecen na única cantiga da súa autoría que se conserva–. Trátase dunha cantiga de amigo paralelística, de altura lírica excepcional e de gran habilidade técnica. É interesante o uso do refrán que coa súa continua repetición confire musicalidade ao poema.

*Sedía-m'eu na ermida de San Simóne  
cercáronme as ondas que grandes son  
eu atendendo ou meu amigo,  
e verrá?*

Estando na ermida ante ou altar  
e cercáronme as ondas grandes do mar,  
eu atendendo ou meu amigo,  
e verrá?

E cercáronme as ondas que grandes son  
non hei barqueiro nen remador,  
eu atendendo ou meu amigo,  
e verrá?

E cercáronme as ondas do alto mar,  
non hei barqueiro nen sei remar:  
eu atendendo ou meu amigo,  
e verrá?

Non hei barqueiro nen remador,  
morrerei fremosa non mar maior  
eu atendendo ou meu amigo  
e verrá?

Non hei barqueiro nen sei remar,  
morrerei fremosa non alto mar:  
eu atendendo ou meu amigo  
e verrá?



Nas cantigas  
máis innovadoras  
o tema de amor  
dáse en lugares  
máis refinados



- Johan de Cangas

Xograr galego do que se conserva moi pouca información. É moi posible que vivese na segunda metade do século XIII. Dedúcese polo topónimo que acompaña ao seu nome, «Cangas», que foi da zona do Morrazo, da ría de Vigo, xa que en Beluso (concello de Bueu) exis-



te un santuario co nome de San Mamede, que figura nas tres cantigas de amigo que deste autor se conservan. As tres son cantigas de romaría, onde a moza namorada aproveita para ver ao seu amigo coa desculpa de ir á romaría de San Mamede.

*En San Momed', u sabedes  
que viste-lo meu amigo,  
oj' ouver' a seer migo;  
mia madre, fe que devedes,  
leixedesmio ir veer:  
O que vistes esse día  
andar por mi mui coitado,  
chegoum' ora seu mandado;  
madre, por Santa Maria,  
leixedesmio ir veer:*

*Pois el foi d' atal ventura  
que sofreu tan muito mal por mi,  
e ren non lhi val, mia madre, e por medida,  
leixedesmio ir veer:*



## AS LETRAS GALEGAS DE 1998, DEDICADAS AOS POETAS MEDIEVAIS DA RÍA DE VIGO

Libro homenaxe  
aos tres poetas  
medievais da ría  
de Vigo,  
editado pola  
Real Academia  
Galega con  
motivo do día  
das Letras

No ano 1998 a Real Academia Galega decidiu dedicarlle o día das Letras Galegas aos poetas medievais da ría de Vigo: Martín Codax, Mendoíño e Johan de Cangas pola súa contribución ao patrocinio da literatura medieval galega. Trátase da única ocasión na que a institución fixo un homenaxe conxunto a varios autores. Esta conmemoración vense realizando cada ano a un literato dende 1963, data escollida por coincidir co centenario da publicación da obra de Rosalía de Castro *Cantares gallegos*.



Durante o  
século XX foron  
moitos os  
autores que  
realizaron  
estudos sobre  
os trobadores e  
a lírica galego-  
portuguesa





Só nalgunhas  
composicións o  
amor da muller é  
correspondido

*Eu serei por el coitada,  
pois el é por mi coitado;  
se de Deus ajades grado, madre ben  
aventurada,  
leixedesmio ir veer.*

• **Pero Meogo**

Acerca deste autor, sábese soamente que foi un xograr galego. Debeu vivir na corte do rei Dinis de Portugal. Consérvanse da súa autoría nove cantigas de amigo, de estrutura paralelís-



## JOHAN AIRAS DE COMPOSTELA



Johan Airas  
é autor de  
50 cantigas  
de amigo

**JOHAN AIRAS** naceu, segundo se cre, na Compostela de fins do século XII, dentro dunha familia burguesa, e foi un dos poucos poetas galegos que incluíron o seu nome na propia obra, que comprende 50 cantigas de amigo, 25 de amor, 10 de escarnio e algunha tenzón. Por outra banda, foi o primeiro en recibir o apelido da Orde de Santiago (Johan Airas de Santiago).

A continuación, reproducimos unha das súas cantigas de amigo máis coñecidas:

*Fois'o meu amigo a cas d'el rei,  
e, amigas, con gran d'amor que lh'ei,  
quand'el veer ja eu morta serei,  
mais non lhi digan que morri assi,  
ca, se souber com'eu por el morri,  
sera mui pouca sa vida des i.  
Por nulha ren non men posso guardar  
que non moira ced' e con gran pesar,  
e, amigas, quand' el aquí chegar,  
non sábia per vós qual mort' eu premdi,*



*ca, se souber com'eu por el morri,  
sera mui pouca sa vida des i.*

*Eu morrereu cedo, se Deus quiser,  
e, amigas, quand' el aquí veer,  
desmesura fara quen lhi disser  
qual mort' eu filhei des que o non vi,  
ca, se souber com'eu por el morri,  
sera mui pouca sa vida des i.*

*Ja non posso de morte guarecer,  
mais, quando s' el tornar por me veer,  
non lhi digan como m' el fez morrer  
ante tempo, porque se foi d' aquí,  
ca, se souber com'eu por el morri,  
sera mui pouca sa vida des i. \**

Johan Airas  
pertenceu á  
Orde de  
Santiago



Fontes, ríos e  
fervenzas son  
elementos  
característicos  
nas cantigas

tica, que forman un ciclo caracterizado por estar a medio camiño entre a cantiga de amigo e a narrativa. Nelas apréciase, como simboloxía erótica, a aparición de elementos naturais; as fontes e os cervos son os símbolos máis frecuentes e fan alusión ao lugar do encontro dos namorados (as fontes) e á masculinidade do amigo (o cervo).

*-Digades, filha, mia filha velida:  
porque tardastes na fontana fría?  
Os amores hei.*


*Digades, filha, mia filha louçana:  
porque tardastes na fría fontana?  
Os amores hei.*

*-Tardei, mia nai, na fontana fría,  
cervos do monte a augua volvían.  
Os amores hei.*

*Tardei, mia nai, na fría fontana,  
cervos do monte volvían a augua.  
Os amores hei.*







Fernando  
Esquío é autor  
de cinco  
cantigas  
de amigo

- **Fernando Esquío**

Foi un poeta galego, probablemente da zona de Ferrol, que viviu a finais do século XIII e principios do XIV. Debeu de pertencer a unha familia nobre, pois algúns dos seus familiares directos desempeñaron cargos públicos ao servizo dos condes de Andrade. Da autoría deste escritor consérvanse soamente dúas cantigas de amor, cinco de amigo e tres de escarnio, escrita seguindo a técnica tradicional, pero cun grande interese por parecer orixinal.

As aves, xunto  
cos cervos,  
son dous dos  
animais máis  
frecuentes na  
lírica medieval



Transcribimos unha das súas cantigas:

*Nas ribas do lago, ou eu andar vin  
ás aves meu amigo.*

*Vaiamos, irmana, vaiamos folgar  
nas ribas do lago, ou eu andar vin,  
seu arco na mao as aves ferir,  
ás aves, meu amigo.*

*Enas ribas do lago, ou eu andar vin,  
seu arco na mao as aves ferir,  
ás aves, meu amigo.*

*Enas ribas do lago, ou eu vin andar,  
seu arco na mao ás aves tirar,*



*ás aves, meu amigo.*

*Seu arco na mao as aves ferir,  
e as que cantavan leixa-as guarir,  
ás aves, meu amigo.*

*Seus arco na mao as aves tirar,  
e as que cantavan non nas quer matar,  
ás aves, meu amigo.*

Johan Airas ou don Dinís son outros  
autores de cantigas de amigo, dos que  
nos chegaron poemas ao día de hoxe.


O xabaryl é un  
dos símbolos  
dos Andrade,  
condes cos que  
tivo relación a  
familia do poeta  
Fernando Esquío





## PAIO GÓMEZ CHARIÑO

→ Paio Gómez Chariño de Soutomaior, poeta e nobre galego do século XIII, foi señor de «Rianjo», quinto membro da saga dos Almirantes de Castela e adelantado maior do Reino de Galicia, ademais dunha figura política da Corona de Castela. Crese que naceu en 1225 nunha familia nobre do sudoeste galego e que desde ben novo destacou polas súas dotes militares no mar e participou en primeira liña en combates navais. Foi asasinado por Rui Pérez Tenorio en 1295. O seu sepulcro preside a igrexa de San Francisco de Pontevedra.



Armando Cotarelo Valledor compilou a poesía de Paio Gómez Chariño nun volume editado no ano 1934





A igrexa de San Francisco (Pontevedra) acolle o sepulcro de Paio Gómez

Da súa obra poética, chegaron ata os nosos días 28 composicións (de amor, de amigo e de escarnio). Os expertos consideran que o mellor da súa obra son as cantigas de amigo, onde logrou tres pequenas obras mestras, entre as que destaca *As froles do meu amigo* (ver páxina 35). A súa poesía foi compilada nun volume por Armando Cotarelo Valledor en 1934. ✱



## A IMAXINERÍA POPULAR

A cantiga de amigo conecta coa imaxinería popular. Os poetas utilizaban unha simbología que puidese ser interpretada facilmente pola audiencia. Deste xeito, entre as imaxes que máis se poden atopar nestas cantigas da lírica medieval galego-portuguesa temos:

### OS CABELOS

Na Idade Media a forma en que a muller levaba o pelo era indicativo do seu estado civil; os cabelos soltos asóciase sempre cunha muller nova, mentres que as prometidas e casadas levaban o pelo cuberto.



O CERVO

É o símbolo da virilidade e asóciase co namorado, o amigo.




A AUGA

Vincúlase coa virxindade e foi sempre un signo universal de fertilidade. Os sitios nos que hai auga (mares, ríos, fontes) constitúense nas cantigas como o lugar de reunión dos namorados, aínda que o mar nalgunhas composicións indica separación dos amantes.

*Ai ondas  
se me saberedes dizer  
porque tarda meu amigo sen  
min?  
[.....]*











XACOBEO 2010  
Galicia



XUNTA  
DE GALICIA

